

Praćenje odgovora pravosuđa na slučajeve korupcije



Misija OSCE-a u Bosni i Hercegovini je 2017. godine počela sustavno pratiti i procjenjivati učinkovitost krivičnih postupaka u ozbiljnim predmetima korupcije u Bosni i Hercegovini (BiH).

U kontekstu Procjena potreba pravosuđa u procesuiranju korupcije kroz praćenje rada na krivičnim predmetima ili projekta ARC, Misija je razvila jedinstvenu metodologiju praćenja suđenja koja se temelji na specifičnostima i izazovima odgovora pravosuđa na korupciju.

U projektu, Misija prati i analizira slučajeve korupcije kroz četiri osnovne dimenzije pravosudne efikasnosti: produktivnost, kompetentnost, pravičnost i efikasnost.

Pod pokroviteljstvom projekta ARC, Misija je objavila dva izvještaja: Praćenje

procesuiranja predmeta korupcije u BiH: Prva procjena¹, objavljenog u februaru 2018. godine, i Praćenje procesuiranja predmeta korupcije u BiH: Druga procjena², objavljenog u aprilu 2019. godine.

Nalazi Misije doveli su do zaključka da je pravosudni odgovor na korupciju u BiH nedovoljan, posebno u pogledu obrade predmeta korupcije srednjeg i visokog nivoa. To ukazuje na stvarnu nekažnjivost za takva krivična djela.

Kako bi otklonila ove nedostatke, Misija je pružila 24 konkretnе i primjenjive preporuke usmjerene na izgradnju kapaciteta na pravnom, institucionalnom i pojedinačnom nivou. Misija je također organizirala regionalne sastanke pravosudnih partnera koji su raspravljali o nalazima i preporukama izvještaja.

1 Dostupno na <https://www.osce.org/bs/mission-to-bosnia-and-herzegovina/373207?download=true>.
2 Dostupno na <https://www.osce.org/bs/mission-to-bosnia-and-herzegovina/417533?download=true>.

U junu 2018. godine, vlasti u BiH podržale su većinu preporuka Misije kroz nekoliko zaključaka usvojenih tokom okruglog stola koji je organizirala Evropska komisija (EK).

U septembru 2018. godine, Visoko sudska i tužilačko vijeće (VSTV) BiH usvojilo je zaključke okruglog stola iz juna 2018. godine, ugrađujući ih u svoj akcioni plan za borbu protiv korupcije i organiziranog kriminala.

Pored oblikovanja prioriteta domaćih vlasti, preporuke Misije uticale su i na konkretnе akcije. Naprimjer, VSTV je, prema preporuci Misije, usvojio kriterije za kategorizaciju slučajeva korupcije prema njihovoј ozbiljnosti, pružajući precizan alat za procjenu podataka pravosuđa o korupciji.

Borba protiv korupcije u BiH zahtijevat će stalne napore,

političku volju i provedbu dosljedne strategije još mnogo godina.

U skladu s tim, Misija nastavlja da prati slučajeve korupcije, kako bi ocijenila korake poduzete za unapređenje pravosudnog odgovora na korupciju, kao i napredak u procesuiranju takvih slučajeva od strane krivično-pravnog sistema.

Misija će i dalje podržavati i saradivati sa pravosudnim organima, agencijama za provođenje zakona i drugim mehanizmima za prevenciju korupcije u posebno prilagođenim aktivnostima usmjerenim na jačanje sistema u cijelini.



Pratite Misiju OSCE-a u BiH

